

پہ پیلیمونا - پولسے کاگد

پہ پیلیمونا پولسے کاگدے پجار

سلام و دروت

① چہ پولسے نیمگا، من پولس کہ
پہ ایسا مسیہئیگی زندانا بندیگ آن و
چہ مئے برات تیموتاووسے نیمگا،

پہ مئے دوستیگین همکار پیلیمون و
② گھارین آپیہ و همراهین جُهدکار
آزکیپوس و پہ ہما باورمندان کہ شمئے
لوگا پہ آبادتا یکجاہ بنت.

③ چہ مئے ہداین پت و ہداوندین
ایسا مسیہئے نیمگا شمارا رھمت و ایمنی
سربات.

۴ من هر وهدا که وتی ذوایانی تھا
 ترا یات کنان، مُدام وتی هُدائے شُگرا
 ۵ گران، چیا که تئی ایمان و تئی
 مِهْرئے هال منا سر بئیگا انت، هما ایمان
 که ترا هُداوندین ایسائے سرا هست انت
 و هما مِهْر که ترا په سَجّهین پلگارتگیّنان
 هست انت. ۶ منی ذوا انت که هما
 ایمان که ماشما آیا شریکدار این، تئی
 زانت و زانگا گیشتر کنات. هر شرّین
 چیزے که مارا چه مَسِیّهے برکتا
 هست انت، آییے بارئوا تئی زانت گیشتر
 بات. ۷ منی بُرات! منا تئی مِهْرانی
 سئوبا مزنین وشی و دلبَدّیے رستگ، چیا
 که تئو پلگارتگیّنانی دل، آرام و تاهیر
 داتگ.

اؤنسیموسے بارئوا پولسے دزبندی

٨ ٻل ٿرے من مَسیھئے برکتا پہ

دلجمی ترا ھکم دات کنان کہ چے بکن و

چے مکن، ٩ بلہ من پولس کہ

پیرمردے آن و انون ایسا مَسیھئے ھاترا

بندیگ آن، مھرئے بُنیادا گوڻ تئو دَربندی

کنان. ١٠ من گوڻ تئو اوڻسیموسئے

بارئوا دَربندی کنان کہ ایمائے ھسابا منی

چک انت و بندیگیئے وھدان منا رستگ،

١١ ھما کہ پیسرا ترا ھچ پائدگی ندات،

بلہ نون پہ تئو و پہ من، دوینان پائدگمند

انت. ١٢ من آئیا پہ تئو پر ترینگا آن،

١٣ بزان وتی دلا پہ تئو رئوان دئیکا آن.

نون کہ من پہ وشین مستاگا بندیگ آن،

من لوئت کہ آئیا وتی کرا بداران کہ

تئی جاگھا آ منی ھزمتا بکنت. ١٤ بلہ

بے تئی رزایا من ھچ کنگ نلوٹان، کہ

تئو ھچ کار پہ مجبوری مکنئے، تئی

جندئے واہگ و رَزا گوَن بییت. (۱۵)
 بلکین آ پہ کسانین وهدیا پمیشکا چہ تئو
 سستگ و دور بوتگ کہ پہ مُدامی ترا
 برسیت، (۱۶) بلہ چہ اِد و دیم گلامے
 حساب مبییت، چہ گلامیا بالاتر،
 دُستیگین براتے حساب بییت. منا وَہ
 سَک دُست اِنْت، ترا اَنگت گیشتر
 دُست اِنْت، اِنسانی حسابا ہم و
 هداوندئے سرا باورمندین براتیئے حسابا
 ہم.

(۱۷) نون اگن تئو منا وتی سنگتے
 سرید بئے، گُزا اوَنسیموسا اَنچو دست گر
 کہ منا دست گرئے و (۱۸) اگن تئی کارے
 ہرابی کرتگ یا آیا تئی وامے پر اِنْت،
 آیان منی حسابا نبشته کن. (۱۹) من
 پولس اے گپا دست و ت نبشته کنگا آن:
 ”مَنش دئیان و ترا نگوشان ہم کہ ترا اے
 نوکین زند منی برکتا رستگ و تئو منی

وامدارئے۔“

۲۰) ھئو منی برات، من لوٹان کہ پہ
ھداوندئیگی چہ تئو پائِدگے بگران. پہ
مسیھئیگی منی دلا اے آرام و تاهیرا
بدئے. ۲۱) من دلجم آن کہ تئو

پرمانبردارے ائے، پمیشکا پہ تئو نبشته
کنگا آن، چیا کہ من زانان، اینچک کہ من
گوشان، تئو گیشتر کنئے. ۲۲) و دگہ
گپے، پہ من جاگھئے بند و بستا ہم بکن،
چیا کہ منا اُمیت انت کہ تئی ذوایانی
برکتا آزا ت بان و تئی کرا کایان.

گڈی ذرہبات

۲۳) ایپا پراس کہ پہ ایسا مسیھئیگی
گوں من یکجاہ بندیگ انت، ترا سلام
کنگا انت. ۲۴) منی همکار مرکاس و
اریستَرکاس و دیماس و لوکا ہم ترا

سلام کنگا أنت. (۲۵) هُداونديڼ ايسا
مسيهه رهمت گون تئو گون بات.